

南江縣誌
(三)

南江縣志

南江县图书馆



DFWX00123

南江縣志第三編

人士志 忠義

季漢

句扶漢昌人忠勇寬厚數有戰功官至右將軍封宕渠侯與王平同稱時人語

曰前有王句後有張廖

明

袁璋南江人以勇俠知名天啓間鄒藍賊犯川北巡撫林俊委勦賊所在有功


後為賊所執其子襲挺身救之連殺七賊亦被執俱不屈死林俊表其門曰

父子忠節總制彭澤為勒石城隍廟祀忠孝祠

按明史作江南人舊通志作南江人當有所本
蓋林俊彭澤皆官於蜀故有旌門勒石之舉

清

岳彥聖字明字明千總攝政王招撫四川授以遊擊轉運兵餉朝夕不匱累陞



參將時南江無衙署縣官住居七眼洞虎狼成羣盜賊縱橫公廣設方略分別勦撫寇亂稍平則披荆棘定草萊闢城垣建官舍於順治十四年延縣官入署並招撫流民給牛種防衛桑梓者三十餘年年七十致仕家居又三年卒追贈懷遠將軍

何允倫字彩理庠生少孤母張氏食貧紡績教之成立與兄允清弟允任皆有聲譽序尤以孝聞母沒悲哀成疾葷酒不入口者三年嘉慶丁巳戊午間教匪蹂躪川北君與賊遇既脫矣因與弟允任相失復往尋覓爲賊所獲時同獲者皆諛賊得免君獨曉以大義侃侃直言賊屈使降君大罵賊遂殺之時年三十有二入祀忠義祠

鄭義芳文生禦匪被執不屈死知縣裘良駿爲詳報請旌

岳貴初充鄉勇臨陣奮勇屢獲勝仗以勦匪功多賞給翎頂嘉慶八年擊賊達縣陣歿卹廕如例

岳文蔚監生嘉慶二年賊匪入境文蔚具軍裝領鄉勇以堵禦功賞給千總銜
隨營效力賊平奏聞引見改文職選吏日未及赴任病終

何國棟歲貢生志期報國教匪蹂躪南江與縣主裘良駿籌畫防堵策營自備

賞糧集鄉勇截賊於毛水口即毛水口衆寡不敵任何聯科被創門生康英才等

陣亡復至巴州平梁城意圖殄滅賊匪未遂賊平仍開館授徒裁成三十餘
人年六旬選石泉縣訓導未任而卒

李輝陽號德星生員有膽略嘉慶二年率勇三百人於元潭擒獲張漢朝夥黨
搜出襄陽鎮關防解赴大營奏聞奉旨以知縣用補陝西石泉令旋調興安
令歿於官

曾興萬少英雋負才抱義嘉慶二三年間教匪蹂躪邑中興萬率鄉勇堵禦並
請領軍餉糈米接應過兵當路仗之給千總職銜

鄭懷義字金城庠生嘉慶三年教匪蹂躪南江義率鄉團禦賊被圍連殺數賊

力竭而死事聞詔入祀忠義祠

王瓊乾隆辛卯科武舉以材勇聞嘉慶三年率團勇禦匪匪蜂至瓊恐衆寡不敵舉礮擊之礮裂而斃士民惜之

康英才庠生嘉慶三年率團勇從縣令裘良駿追賊拒戰於滄水口英才奮勇當先與弟雄才同被戕死

張鵬漢庠生嘉慶三年教匪犯境閣門被執賊脅之鵬漢無懼色義不顧身與妻子同日死

何青茂監生嘉慶四年集團爲寨首有匪入境屯龍山場青茂乘之率衆往攻力屈遇害

胡其芝庠生嘉慶五年教匪突來執其芝及二子罵賊不屈賊怒父子遂同殉難

熊芝桂庠生貢生熊兆祥之子嘉慶五年教匪犯境被執不屈死

通志載爲孫芝桂誤

熊芝村序生貢生熊洲前之子嘉慶五年舉其孫芝桂誤

李國榮嘉慶六年禦匪羅圈岩被執不屈死事經邑令詳報與從死者俱暨

碑題名

蕭廷桂字林一由拔貢中乾隆壬子舉人嘉慶間上平匪策於李觀察李器之
後率鄉勇堵賊陣亡著有詩集

董學海武生教匪之亂起義勇殺匪立功授千總嘉慶四年匪首王登廷竄入
關門場之祭葉溪王登廷者青號悍賊也公聞警率同義勇百人董郵董序
陳思魁傅上學等入道圍攻血戰竟日殺斃匪徒以百計義勇死傷亦衆遂
生獲登廷獻於經略額勒登保軍前經略上其功欽賜藍翎加驍騎尉經略
並賜以功超義勇匾額計前後與教匪數十戰八廟壩太平山烏龍壩巴蕉
溪等處皆義勇作戰流血地卒贈武德將軍

陳思魁

傅上學

右二人同董學海起義勇擊勦教匪殉難

康雄才 嘉慶二年同兄英才禦匪死毛水口

王得功 奉派出師廣西死難

李嘉暉 增生

袁 襲

右二人祀忠義祠事無可攷

李國林

李大祥

李含芳

李元海

李長鄧

何祥周

人士志 孝友

明

蒲妙高南江人母年八十鄰藍賊起妙高負母偕妻子奔逃母疾篤諭令置墟墓間聽自死子婦宜速去妙高痛哭曰兒何之母子願死一處棄妻負母賊至伏地請代死賊義之竟不害

清

張明鑑農家子性椎魯事親孝好施常補修梁道時稱善人嘉慶二年賊至其鄉明鑑負母逃賊及之同行者俱死明鑑母子獨全既而母病疫刲股進之卽愈再病再刲如是者三又患目疾已瞽矣明鑑每日以舌舐之半月而愈母年八十有五病亟明鑑刲胸割肝母終不起鄉邑哀之

何希顏性孝友母病奉侍湯藥頃刻不離病危刲股以進母終不趨顏哀痛成疾聞者悲之

李穎發大河場之瓦紫溪人嘉慶間教匪竄境執其父兄去穎發年方十七聞難奔至請以身代賊許之竟殺穎發釋其父兄

何鉅字子任歲貢生父母俱年八十賊至其家鉅堅持待父母不離左右以大義曉賊賊感其誠竟去

何柄父進洛母白氏早卒繼母艾氏柄夫婦奉事勤謹值賊匪掠村母老難行同妻李氏負避榛莽間寢食備至後母以壽終獨任喪葬不累諸姪人咸稱之

何文龍邑武生姓至孝父世仲寢疾日侍湯藥衣不解帶及疾篤割股以進卒不起哀毀骨立教諭彭暎以不事刀圭療父疾惟憑純孝格天心聯表之

何登序字虛齋歲貢生生最晚甫五齡而父故異母兄歧視之及長薄分其產僅予之居虛齋不計也克恭克讓始終不渝後兄之子孫式微而虛齋之後昌盛人以爲友讓之報云

人士志 文學

清

岳貞字石齋順治甲午舉人官戶部員外康熙分經得張士裁等多知名士己酉秋典試京闈明年捷南宮者八十餘人咸謂得人之盛未有如是科者後出守天台邵武以廉愛才能稱著有几江詩集歷官地方均祀名宦本籍祀鄉賢

岳度字文江石齋第四子康熙甲戌進士官翰林檢討壬午典試山西工詩制藝亦有名

岳維字叔世石齋第七子康熙丙子舉人丙戌進士官廣西荔波縣知縣政績甚著與兄度均祀鄉賢

何爾泰歲貢生能詩卒入祀鄉賢祠

袁澈字松岫順治辛卯舉人官福建晉江縣令歷署大縣皆有惠政致仕歸存

湖居雜錄傳世祀卿賢

岳爾翼字贊君清康熙辛卯科舉人康熙三十七年授山東郟城縣知縣有惠政值聖祖南巡督辦夫馬積勞成疾卒於官

岳爾藩字諫君歲貢生爾翼胞弟雍正己酉選嬰府建始縣訓導在任九年教士甚有矩度遷長甯縣訓導九年致仕歸子容雍正壬子舉人學行亦著

楊璽字輯五號瑞廷原籍廣元後遷南江年十八補校官弟子家貧甚寄讀僧舍夜則燃桐子代燈學益不倦庚辰舉於鄉選納溪教諭遷潼川教授旋陞授江南安東縣知縣安東地小民瘠當河下游爲淮揚要害值大水城池廬舍悉受淹沒君相度形勢力請於上游開通民便河以資宣洩畚鍤萬計咸自治辦及署泰州剔弊除苛百廢俱舉當調甘泉父老擁道撫留上官聞之遂從民請復借一年旋以卓異引見不數年特擢蘇州督糧同知署太倉州事又署松江府事所至有聲以查災觸熱力疾還蘇竟以勞死年七十有二

祀南江鄉賢祠子廷賢南江拔貢生常執贄於吳穀人先生亦有名

徐炳唐字玉山由歲貢中同治丁卯舉人辛未成進士爲文以清快爽朗勝主講公山書院從者雲集後候補蘭州未官卒於候所姪文銳光緒己卯舉人文亦有名

熊一飛字雲陸增生隱居乾溪詩酒自娛年八十餘精神猶健著有雲林詩草所居借石山房臥雲樓擔風亭甚有幽趣名人題詠者多

朱元欽字蓮石歲貢生年最少補博士弟子員始勤學奮志潛居石洞中方晝觀書隱几假臥有蛇蟠履上偶起以足探履而履弗納仍假臥觀書久之再起然後見其爲蛇也如是者有年而學成文名藉甚當時言文藝者蓮石至莫敢談

李毓秀字莪生道光丙辰舉人當下帷讀書時一日妻以饅首進並糖一小盤置案上去方伏案用功隨手蘸食食畢妻復來見墨滿唇而糖如故笑問之

始覺其好學如此年三十餘始入泮隨獲副榜越二科遂中亞魁

岳凌雲字小山歲貢生工詩隱居七星山下自號七星山人有七星山人集秋窗摘錄行世兼精岐黃自序有云千載而下方伎傳中坳存數語或當爲橘井杏林間添一韻事所著醫書體倣論衡過於矜慎起草輒易訖未成書當世惜之

何昌齡字鹿泉歲貢生服膺吳梅村詩因自號梅村鍾殿撰學使評其文曰氣象崢嶸詞華整鍊足徵洗伐功深十赴鄉闈五薦皆不售授徒於家及主講龍池書院凡數十年成名者數十人喜吟詠詩彙藏家子椿榮貢生行誼亦爲鄉里所推重

岳森字林宗拔貢生凌雲長子少受知於南皮張學使以高材生調入尊經書院肄業時掌教爲湘潭王壬秋提倡漢學先生爲其高足泊公車北上入南學名噪都下所作課藝多選入成均課士錄奉諱歸里善化瞿學使子玖延

人士志行誼

何現圖字雲飛歲貢生終身不就銓選遺詩述志有隱士風子秉直亦謙厚授重慶府江津縣訓導父子均祀鄉賢

何紹宗字繩武附貢生樂善好書子弟貧不能讀書者置學田補助之里族均沐其澤年九十卒祀鄉賢

鄭映芳名懷源嘉慶戊辰科武舉居鄉好義道光辛卯與庠生趙培元贊修文武廟始終勤勞不懈當事上其功欽賜聖域宣勤匾額銓江南守備未赴任年六十七卒於家

李超林監生幼孤恃母撫養讀書不成學武仍厄迺援例入成均居鄉有盛德昂時糶米使市價平凶歲減租有無賴數盜其柴被獲給酒食溫語遣歸無賴卒感愧不復爲惡

何仕明明季處士鼎革初獻賊入境欲攜家遠徙而父母之柩在堂倉皇破壁

移屋後權瘞始去避亂漢中歸見蟻封成墳遂因之同姓數百家無一存者
仕明獨全力農課讀忠厚勤儉年八十八卒傳十一世至今不衰

岳中華字蓮峯廩生家貧課讀養親循循善誘世家爭聘之弟子多中鄉薦登
仕版家政嚴肅軍黨薰其禮法卒年八十餘自號亦可老人

李錦春字璞溪歲貢生敏而好學入庠食餼後五赴鄉闈不售遂於宅之里許
築學舍聚生徒講授暇得娛親並以自娛與弟恆春孝友無間

岳光虞字紹鄉中華長子同治甲子舉人兩赴禮闈不售會大挑已戒行父年
高不樂其遠離卽解裝止兩主劍州巴州試卷得士甚盛主講公山書院凡
十九年嚴課程尙自治有胡安定風邑中知名士多出其門所止無少長嚴
憚之髮匪擾漢中奉檄主辦捐輸籌備得宜當事奏聞特給五品頂戴以知
縣儘先補用未赴銓年七十卒於家

李炳南字星六光緒乙亥舉人制行廉潔有巨案以重賂求解不受後仍爲和

李炳南字星六光緒乙亥舉人制行廉潔有巨案以重賂求解不受後仍爲和

息又嘗卻羅法者金及見官仍爲原情得釋其人竟不知每朔望講家政學及女箴門庭肅然主公山書院講席四年餘則教授於家從學者多獲售去

岳士槐魁梧多力兄士梯爲廩保攜之應試不售戲考武乃入武庠懼兄不敢見者屢日居鄉正直善爲人排解鄰近數十里無爭訟者年八十餘遇他人不能解決之事延請之不躬往但攜其常扶之杖去供置案上人見杖卽相戒吐實息爭莫敢欺飾其爲鄉里所敬信若此教匪之亂近十八鄉居民咸來避亂紮其屋後大寨推爲寨總威信甚著亂平十八鄉人思之聯爲一會春秋團聚以永紀念迄今不衰

鄭秀文字眉山監生爲人持正好善練達人情鄉里積年紛爭每得其一言而理又不受一錢鄉人信服官訟爲稀晚年敦行不怠如整市規建宗祠修族譜飭團防儲國課設義渡諸大端區畫井然類可經久其倡舉大河口賓興

及倡修龍門溪橋二事鄉人尤稱之年八十餘卒

李毓南字壽山廩生家居授徒以勤苦耐勞為教一時成就者極眾塾童黃玉田幼時貧甚父使廢讀先生持不可教誨衣食之久而不倦黃卒成名孝廉里人豔稱之弟毓名歲貢生行誼亦著

何希周字遵濂歲貢生縣中文廟經兵燹後殘毀頽杳道光丁亥集眾請新之時縣令胡炳允所請募貲購材於秋七月鳩工始事越戊子春望告成是役也遵濂力居多府憲劉賜以功崇衛道匾額

府正堂劉匾額跋語

諭南江縣何明經遵濂等為獎進賢紳撰送匾額事案據南江縣知縣保舉即陸胡令稟稱該紳士等捐

修文廟任事實心現經告竣等由據此本府接閱公函實深敬羨夫地方善事有舉斯興所賴賢紳士慕義急公庶足為一鄉矜式今南江縣文廟經紳等宣勤襄贊計日落成可見賢士大夫務遠大之圖建久長之計所以風化鄉閭鼓舞髦士者迥越尋常萬萬擬之宋儒范文正公以所居第讓為學宮其事雖殊其心則一擴而充之裕如也且先聖先賢靈爽所憑即大經大法淵源所在乃者既敞楹宮聿宣泮澤得門而入不空循夫子之牆有戶斯由豈徒廣文翁之室絲音在耳絃誦常聞從此該儒學諸生知升階之有路率大道以為趨文德日敷文光日麗佇見巍科碩學先後

知升階之有路率大道以爲趨文德日敷文光日麗竹見嶽科碩學先後

聯翩不但紳等澤及雲初誕膺多福已也本府樂善尊賢出於至性祇以道里遐遠不及式廬良用爲缺除前訂邑賢侯代本府就宅存問外敬撰匾額四字並陳獎語用表檢衷且以傲古人居邦事友之誠云耳敬之哉

劉善人迺其名世居沙壩山中見沙灘子水平而闊夏秋泛漲行人病涉捐金

置義渡以濟倡修文昌宮因廟立塾捐田產以爲延師費生平善施類此年

七十餘卒

袁秀裳監生舉止端重好讀書年八十餘猶吟誦不輟命子兆先創修義塾族

中貧不能讀者助其膏火就學者衆

何國權字新城貢生性方正族子弟無行者咸避之常捐貲治道路修橋梁貧

不能葬者助以資

岳陞揚字維帆性謙遜對人有禮雖盛暑不裸袒嘗纂輯族譜又嘗以片言解

友難外人鮮知有陰德五世同堂年至九十始卒

羅憲欽字敬亭邑文生富而好義丁丑戊寅間噉噉待哺者奔赴其門儲粟罄

矣變產買倉穀百石散給之隣里鄉黨資以存活倡捐學田成立原泉書院
後改國民校猶資此款焉

傅文藻字春洲先緒已卯舉人工楷法居邇假室非公不至丁丑大旱上策救

荒全活甚衆而外間鮮有知者甲午公車北上沒於京師年四十有七嫡堂
弟文莊辛卯舉人性孝友同赴春闈五千里外扶其櫬而歸

郭炳新字少霞歲貢生瑞青之中子穎敏過人甫十歲六經皆若夙授有神童
之名尋入泮學使黃傳總戎劉蓉先後褒異從巴中進士余煥文遊有五堂
人物之譽同治癸酉拔貢甲戌對策稱旨籤分河南知縣任發審局正審結
京控七十餘案加同知銜特授伊陽縣知縣歷署延津濬縣省徭役剔陋規
當道嘉許宣場蠲之憂鬱成疾卒年四十有四

唐繼武有異行石板河初無橋夏秋水漲行旅多阻繼武獨修費二千金橋成
旋圯則復修行者德之年九十八卒

譚心印字文石庠生同治初川藩劉祥卿救漢中駐軍巴州委以籌餉有功奏給五品職銜旋赴甘肅招兵禦回駐蘭州十年行李皆經史圖書攜數千帙以歸

石榮玉業農家小康光緒丁丑大饑里中糞無米突無煙者發粟應之全活百家其弟乖恆任意取兄粟榮玉置不校

劉鉅濤字靜波本楚人隨父入川因入邑籍其父卒遺命必歸葬於楚及窆果如命行數月程費數千金廬墓三年而後返有某紳仗勢伐禁柏挺身出爭得直乃已

謝章喜原籍廣東後入邑籍同治甲子髮匪踞漢中大軍雲集南江章喜適充廣東館客長支給軍需歲餘稍遲則鞭扑立至章喜以爲苦一己而蘇衆人受侮不惜也嗣愈凌虐不堪自縊而死聞者悲之

吳藻芳字翰周高等師範畢業生任本縣視學擴充國民學校成立第一高小

校多級女學校以積勞致病誤服毒劑暴卒時年三十一當事獎其勞而卹其死禮葬於勸學所之右且立案置守焉

人士志 補釋

卷之四十八



明

蒲從善南江人有道行以符篆治病甚驗嘗南遊受知於太祖陳文瑞送蒲道
官回蜀詩曰羽客清標類子喬金門錫號早辭朝

南江縣志第三編

列女志節孝

張宏道妻岳氏夫故守節乾隆年間旌表

岳文華妻林氏年二十九夫故矢志守節孝養翁姑課三子俱遊庠乾隆五十

九年旌表祀節孝祠

楊桂妻雷氏年二十八夫故孝事舅姑養葬盡禮撫二子俱成立長宗詔遊庠
岳大應妻杜氏年二十三夫故子文蔚僅五歲氏守志撫孤年八十餘終文蔚
自有傳

拔貢張伯玉妻楊氏年二十四夫歿氏以節自守孝事翁姑遺子一已冠而天
撫姪爲子以承夫祀年八十餘卒

袁成鬻妻何氏年二十五夫歿二子尙幼翁姑俱在親老家貧氏任紡績督耕
種孝事翁姑嚴課二子長子文錦爲邑廩生

何彬繼室曠氏貢生何登序之母彬故序方五齡氏不憚勤劬艱辛撫育序弱

冠食餼醕謹厚重氏之教也

何國才妻杜氏年二十六夫歿氏執共姜之節守一醮之禮八十四齡猶持家

政孫曾一堂雍雍肅肅鄉人敬之

梁占洙妻黃氏子名維佐幼而失怙氏冰操自守養親育子勤儉持家後維佐

業儒未成氏曰不得於子必得於孫使孫進負笈就名師讀進亦勵志遂入

庠食餼焉

郭榮福妻蕭氏年二十八夫歿矢志奉姑撫三子成名總督鄂山疏稱賢而且

孝母卽是師咸豐五年旌表

何昌齡母向氏年十八適文生何荆山越三年荆山應秋試卒於途冬昌齡生

周歲尪羸似難撫者繼母憐氏孝勸他適卽剪髮自誓及昌齡讀不令塾宿

防引誘也氏夜紡命讀燈下紡畢讀始畢卒教子成名士

程卓然妻劉氏生子三年三十卓然遭疾彌留焚祝祈代竟不起矢志撫孤備
嘗艱難光緒丁丑辛丑兩次大旱皆助糶捐賑人稱盛德清末請旌

馬永定妻郭氏年二十三而永定死遺孤堯甫一歲姑年八十賴氏孝養以終
餘年孀杜氏欲奪其志氏曰余所以不卽死者爲藐孤耳不從杜窘其衣食
並以操作苦之氏不懟不渝教子勗學三遷其塾朝送暮迎歷九年不倦堯
卒入庠食餼光緒年間奉旨旌表准予建坊年六十六而終

岳陞崇妻宋氏年二十七陞崇病故遺三子俱幼氏孀居茹苦撫之成人建學
堂延師教授後季子永鎬天殞遺孫男女各一復賴氏撫成年八十一終光
緒末年請旌

胡天美妻吳氏事親孝舅年八十餘失明手足痺痿轉側需人兼遍體疴癢雖
嚴冬必沐浴三次氏夫婦服勞背負未嘗假手僕役如是者數年不倦亡何
夫卒氏矢志教子同治甲子大荒髮逆圍漢中竄觀察牧村援陝駐縣假館

其舍聞書聲徹夜詢知為氏及子開周相對紡讀見後房半間一燈熒然嘆曰不意師旅饑饉中尙有此賢母佳兒稱美者再作詩錄扇以贈開周勉以顯揚延師尤誠敬雖家貧束脩供給未嘗稍減抑嗣開周入庠食餼有聲譽序氏亦奉旨旌表節孝學使鍾修撰縣尹張貽亭先後表以熊丸繼美冰雪堅操匾額年八十餘卒一時紳耆送葬者以千數子開周開極開鉞孫文煜文鈞和繼食餼文鈞旋以拔貢生筮仕秦中人以為非特氏節孝之報即氏之尊師重道亦宜有以致此云

舉人岳光虞曾祖母唐氏撫孤劬勞治家有法門庭肅穆族鄰敬畏之年八十餘卒光緒二年請旌

姜華岐妻陳氏年二十而夫卒遺一子僅周歲氏厲志撫孤未幾姑卒遺叔亦幼兼撫成立為完婚配始分爨娶媳岳氏產三孫尚稚未幾子又夭死姑媳俱孀家酷貧賴岳氏女紅贍給備極艱苦無二心

俱孀家酷貧賴岳氏女紅贍給備極艱苦無二心

趙登洪妻岳氏年二十六登洪病故貧甚茹苦矢志不改節官爲給廩以終其身

潘廷紳妻岳氏年二十八夫故守節七十八卒光緒二十年請旌

潘錫疇妻王氏年二十七夫亡矢志守節四十九卒光緒二十二年請旌

岳連城母朱氏年二十二而夫卒氏以親老子幼矢志靡他翁姑逝世殯葬皆盡禮旋以貧不能自給攜子歸依母家含辛茹苦教子不怠連城後入武庠孫炳煜亦遊泮六十二卒光緒年間請旌

傅安康妻李氏年二十八歲而夫亡子喪茹苦矢志承祧孀堂姪文治爲嗣不惜厚聘延師課讀卒爲邑中名士氏年八十而終光緒年間請旌

傅文彬妻劉氏

趙錫暢妻傅氏

傅文釗妻李氏

傅文洪妻李氏

岳咨母林氏

張治熙母劉氏

彭大江母何氏

黃緒姬伯母杜氏

黃顯富母陳氏

石應珍母楊氏

張開國母方氏

黃文蔚母蔡氏

楊宏量母袁氏

張良玉母鄒氏

岳明碧母李氏

岳明碧母李氏

李超林母岳氏

岳聯芳母謝氏

李星壽祖母張氏

杜尙林母孫氏

郭金坤母胡氏

張伯經母徐氏

周陽元母譚氏

夏開泗母吳氏

黃尙鑫母劉氏

劉佑先母姜氏

楊大義母張氏

徐啓洪母資氏

臨江府志卷之五
列女傳

何廷蘭曾祖母陳氏

孟聯雲母王氏

何樹型母袁氏

石宗岱母熊氏

包毓珍母陳氏

曹述周母何氏

劉裕遠嫡母岳氏

周不烈母談氏

杜心誠母袁氏

趙載耀母薛氏

徐澤潤母張氏

李裕若母柯氏

馬廷達母李氏

李上儀母羅氏

岳登桂妻王氏

廖順樟妻曹氏

李鼎元母岳氏

岳步雲母鄭氏

魏大攀母余氏

曹景鐸母唐氏

熊應昌妻何氏

李 妻何氏

張 妻詹氏

侯 妻岳氏

陳江縣志卷之三

陳

妻何氏

李

妻傅氏

孟

妻李氏

郭

妻蕭氏

魏

妻趙氏

余

妻龍氏

王

妻岳氏

廖

妻濮氏

張

妻楊氏

翟

妻徐氏

廖

妻曹氏

阮

妻譚氏 譚文石妹

何 妻陳氏

右六十四人俱請旌事蹟無考

列女志 節烈

明

王塘妻趙氏正德中流賊陷城夫被執趙拚力救夫賊捨夫而執趙趙恐被汚投水死事聞旌表

清

吳宗儒妻嚴氏孀居守志爲強暴所犯刀拒被殺乾隆二十七年旌表崇祀節孝祠

鄭玉霄妻岳氏二十適主無出以弟子爲嗣玉霄初故氏哀痛欲殉其子防護甚謹不果迨料理葬事畢計使其子上市購物卽閉戶服毒比衆覺已不及救竟以身殉

鄭玉森妻岳氏小字馥香玉森病久不愈醫言病人糞有異卽不救氏聞大哭乃知氏已嘗糞後玉森果不起小祥日氏上墳慟哭而歸夜間乘人不覺服

毒身殉

嘉慶教匪之亂遇賊殉節者先後共四十人均奉旨旌表知縣汪恩為建

總坊題名如左

把總田嘉禎妻賀氏

李如青妻陳氏

王子飛妻尹氏

康氏 親屬無攷

張氏 同

劉么姑 同

右六人俱二年殉節

何思聖妻朱氏

何文玉妻羅氏

張思聰妻章氏

林中洪妻岳氏

何貴文母楊氏

杜氏親屬無攷

尹氏同

右七人俱三年殉節

萬明選妻楊氏

楊子文妻張氏

羅義仲妻雷氏

李思全妻熊氏

顏子明妻陳氏

顏子祥妻張氏

臨江府志 卷之三

楊氏 親屬無攷

右七人俱四年殉節

蕭發榮母羅氏

何錦妻侯氏

王氏 親屬無攷

吳氏 同

黃氏 同

右五人俱五年殉節

羅正榮妻何氏

向元妻白氏

郭子榮妻李氏

郭美玉妻范氏

錢光明妻蔣氏

權中富妻蹇氏

權子龍妻趙氏

何爾泰妻蒲氏

青 暢母吳氏

青 茂母袁氏

蒲 元母袁氏

屈 氏 親屬無攷

右十二人俱六年殉節

李明遠妻楊氏

楊順安妻唐氏

翟有榮妻楊氏

右三人俱七年殉節

知縣汪恩建坊題名誌

嘉慶元年教匪滋事川之東北被賊蹂躪南江與

者較他邑為多鄉村婦女俱知大義不受汗辱殊堪嘉尚事平憲府列册

上請奉旨旌表洵足厚風俗而慰貞魂因人數衆多親屬間有無攷者未

惠

妻楊氏

唐

妻晏氏

右二人俱光緒四年鎮子場土匪之變殉難者

列女志 貞烈

何貞女父起蛟母向氏女性孝貞願從父母不字屢梗婚議其志堅不可奪遂聽之茹素禮佛終身

甘福蓮貧家女子住沙河場父早逝無伯叔兄弟惟母女相依有強暴欺孤逼辱女羞忿自盡文生包輯五請於官旌福蓮並治強暴焉

何鹿泉弔甘福蓮詩

烈女心如鐵不屈偏能折烈女心如石不轉甘破裂善保未嫁軀堅守不雙節視死只如歸肯負肝腸熱

強暴逼福蓮奔馬追跛鼃力孱難殺仇拚將性命決思當服毒時鬼神俱環列填膺皆猛氣拂面盈霜雪正如出匣劍寒氣逼鬚髮又如萬仞山巉岩撐奇骨對之胥膽寒懷之壯激烈文山正氣歌一腔此心血淚痕成血痕萬古不磨滅

傅舜華邑紳傅文耀之女年十六許字於石生樸遠消吉有期石生病故女聞

慟絕願以身殉於光緒丙午八月二十六日仰藥死即所訂成禮之日也縣

令劉焯請旌一時題詠成帙有貞烈詩鈔

廖季平傅貞女殉夫徵詩啓

竊聞葩經倡化衛什詠共姜之貞麟史揚微宋災著伯姬之節望夫而形能化石冰雪詎

擬其清殉國而山有磨笄珠玉亦輸其潔固皆輝映乎前烈宜其作鑿遺
 將來若南江傅貞女者吾同年春洲孝廉之猶女榮鄉之長女也版築遺於
 支詩書望族柔嘉其性姬嫗其容四德三從幼識女師之訓右箴左悅芳
 嫻內則之篇遼闔教於高堂良弼無慚世胄播賢聲於戚黨香閨共仰芳
 徽是非閨苑才人難齊鴻案恰幸鄰家少子早中雀屏石子生同閨里居
 近園林慧比春鶯揆藻成稱英俊時騎竹馬弄梅過芳閨雖無金谷之
 豪家聲克紹己下玉樓之聘壻品非凡允矣天定良緣宜哉人稱佳耦豈
 期郎美如玉命薄如雲墨車未乘玉樓先賦嫁裳刺蘗鴛鴦尚未雙飛繡
 綫忽拋鷓鴣鱗已成孤影方冀三生石上夙證前因詎知一夕風狂頓成永
 別啣泥燕子難填恨海之波鍊石媧皇莫補情天之缺天只人只時耶命
 耶惟時女誓殉身親言苦口悽惻如哀猿之泣月之悲酸如離雁之失聲而
 父訓悉懃母情肫摯須識絃分翼折固增魂夢之悲亦思珠碎掌空詎駐
 桑榆之景念依劉之日短寸腸則欲斷九迴託繡佛以齋長殘喘亦苟延
 餘畀已嘆紅顏命薄竹肯孤生那堪黃口訛傳蘿教別施女於是捐軀意
 決守義情殷一死成已從此成仁甘鳩毒而飴如恰至婚期畢命續鵲絃
 難全孝身拚一死成已從此成仁甘鳩毒而飴如恰至婚期畢命續鵲絃
 於地丙午無殊秋二女歸堪憐永夜虛窗離倩女竟棄殘脂粉節翠娥
 郎此丙午無殊秋二女歸堪憐永夜虛窗離倩女竟棄殘脂粉節翠娥
 偏多血性黃昏青塚孰慰英魂古有之死靡他茲則從容就義憶彼鬢年
 問字曾邀阿伯垂青思吾鄉良朋竟得嬌娃炫彩雖復啼殘曉月尚有
 生容即令化盡寒雲猶餘香氣所願大義彰明固苑詞人各以辭華憫孤
 桐之就悴共嘯翰墨憐汎柏之哀思儒林學士固苑詞人各以辭華憫孤
 尤資五色麟毫謹
 貢燕詞同徵藻翰

尹長姐尹正田女祀節孝祠事蹟無攷

列女志 才淑

楊古雪南江縣人蘇州同知楊璽之女拔貢生廷賢之妹適遂甯張問萊能詩兼工書畫有煙雨樓畫幅傳世極縹緲之致題跋亦雋雅

李輝陽母某氏相夫教子當賊匪蹂躪各村時命子堵禦賊寇以迄昇平輝陽知石泉縣迎養不至卒年九十餘歲遠近送葬者數千人

鄭瑤華字德玉儀隴縣人適南江岳明經小山工詩常與小山相唱和有倡隨集留仙閣詩集傳世

南江縣志第三編

官師志題名

季漢

馬忠 建安末漢昌長

程畿 劉璋時漢昌長

隋

顏之儀 臨沂人開皇五年集州刺史

元雅 洛陽人開皇時集州刺史

唐

崔無訛 開元二十五年集州刺史

蘇味道 隸城人證聖初由鳳閣侍郎左遷集州刺史

田彥實 天寶元年任

南漳縣志

蕭 鉉 蘭陵人

李成裕 開元中任

王康壽 太原人

韋孝譽 京兆人

趙 寅

王 徽 字昭文京兆人僖宗時由少師左遷

楊知亮 宏農人

楊師謀

唐思貞

牛仙客 安定人

晉 暉 許州人僖宗時任

王 治 咸陽人

李思文 蜀王後大卒令

李緒 蜀王後難江主簿

敬袞 同州馮翊人集州刺史系五代

周

高懷德 真定人周末領集州刺史

宋

楊方平 集州刺史

張龜年 集州刺史

岳之震 難江縣令

杜德機 宋政和初難江縣令

明

知縣

沈 鏞 湖廣永州人 監生 正德十年任

鄒 倫 貴州都勻人 監生 正德十四年任

盧 洲 貴州前衛舉人 嘉靖二年任

趙廷佐 廣西舉人 嘉靖年間任

田 豐 湖廣麻陽人 監生 嘉靖二十五年任

高 彤 陝西鄜州人

黃 棧 雲南拔貢 嘉靖年間任

戴元吉 陝西監生 嘉靖二十七年任

朱 完 江南吳縣監生

吳 鏜 陝西咸寧監生

袁廷椿 湖廣黃岡人

閆虞鳳 陝西藍田舉人

冑虞鳳 陝西藍田舉人

曹天俸 江西浮梁舉人 隆慶元年任

黃榜 江西廣昌舉人 隆慶三年任

任朝正 陝西洋縣人 神宗三年任

脫穎 陝西鎮源舉人 神宗八年任

王响 陝西延安舉人 神宗十年任

高薦 陝西涇州舉人 神宗十四年任

王顯節 江南泰州舉人 神宗十八年任

白受采 陝西甘州選拔

杜光先 陝西岐山舉人

岳其仰 陝西延安舉人

楊繼統 陝西南鄭舉人

楊榮先 湖廣靖州選貢 崇禎十三年任

清

知縣

馬光義 陝西貢生 順治三年任

張聖相 山西大同守備委任

伍亶直 廣西進士 順治十年任

張元吉 陝西貢生

王來錘 康熙六年任

王經芳 直隸大名府監生 康熙二十二年任

周元勳 湖廣荊州府監生

蔣炳 鑲白旗監生 康熙二十五年任

曹志周 浙江進士 康熙二十八年任

李芳雲 鑲黃旗監生 康熙三十五年任

李芳雲 鑲黃旗監生康熙三十五年任

傅其幹 山東舉人康熙四十三年任

蒙 鋈 廣西進士康熙五十年任

于其蛟 山東歲貢康熙五十九年任

高世祿 湖廣監生康熙六十一年任

郭正明 直隸歲貢雍正四年任

高拱宸 河南襄城舉人雍正四年任

董萬戶 河南洛陽監生雍正六年任

吳率祖 湖北武昌進士

李 璉 鑲紅旗監生雍正十年任

王 森 直隸大名進士乾隆元年任

陳大詔 湖北荆門舉人乾隆六年任

聞肇焯 浙江錢塘舉人乾隆十年任

姚日新 浙江仁和舉人

李發源 汀州人進士乾隆間任

包旭章 浙江鄞縣進士乾隆二十年任

張任佐 漢陽人監生

胡鳳羽 湖南安鄉拔貢乾隆二十四年任

查 涪 順天宛平貢生乾隆三十一年任

黃志勳 廣東新會舉人

鄭 球 衡州來陽舉人

張心鑑 江蘇陽湖舉人

萬士斌 貴州貴筑舉人

凌夢曾 浙江歸安進士

費揚武 正黃旗中書

趙護吉 江西新昌生員

倪元度 直隸天津舉人

葉道傳 江南無爲監生

吳光奎 江南監生

李元 湖北京山舉人

李培峒 雲南舉人

楊榮 廣東番禺舉人 乾隆三十四年任

徐廷鈺 奉天錦縣舉人 乾隆五十八年任

姚玉麟 廣東增城進士

李並楮 福建舉人

李傳杰 江西南昌舉人

裘良駿 江西新建人 乾隆六十年任

李心澄 江蘇上海監生嘉慶六年任

汪恩 江蘇江甯進士嘉慶十一年任

王文炳 陝西郃陽舉人

龔鏜

韓學陶 順天大興舉人嘉慶二十三年任

鄒梧桐 直隸天津拔貢

羅德嚴 湖南樞縣監生嘉慶二十五年任

錢秉德 江蘇江陰舉人

周瀚 廬山人咸豐時任

謝元瀛 浙東人咸豐時任

張雲行 天中道光間任

胡炳 湖北荆門進士道光元年任

胡炳 湖北荆門進士道光元年任

袁祖惠 浙江人道光時任

金鳳洲 庚山直隸進士同治初任

周寶森

陸爲棻

閻璞 文圃

阮恩濤 訪山貴州舉人同治間任

吳□

李玉琅

何貽孫 邑仲滇南人同治間任

張熙毅 詒亭甘肅鎮番人同治十三年任至光緒十八年歷四任凡十二年

白鶴齡 光緒二年任

姚紹崇 光緒九年任

孫清士 菊人 滇南進士 光緒十年任

范鴻達 湖北武昌縣人

徐兆霖 虹橋湖北孝廉方正

沈秉鈞

曠超一 湖南湘潭縣優貢舉人 光緒十九年任

鍾筠

王殿甲 蕨溪直隸翰林 光緒二十年八月任至二十四年十月止

張西晉 顯齋

李步瀛 江蘇進士

解開奇

董汝涵

邢讓 芸渠湖北進士 光緒三十年任

邢 驥 芸 渠 湖 北 進 士 光 緒 三 十 年 任

魏鴻儀 用可 甘肅翰林 光緒三十一年任

陳玉森 光緒三十二年任

劉 煒 光緒三十三年任

德 存 子厚 直隸內務府人 光緒三十三年任

楊家修 仲卿 光緒三十四年任

楊允升 雲南舉人

林時中 宣統元年任

孫景藩 宣統二年任

趙潤民 澤生 宣統三年任

民國 知事

彭祥瑞 慶雲 四川峨眉縣人 民國元年三月任

拔貢

周慶雲 浩然 四川廣漢縣人 民國元年十月任

秦良模 伯楷四川開縣人民國三年三月任

曾鴻鑫 品金四川金堂縣人民國三年十月任

周鳳崗 篤光四川眉山縣人民國四年四月任

藍呈祺 廣西上林縣人民國四年十月任

李 同 幼才浙江東陽縣人民國五年五月任

吳毅武 任甫四川合江縣人民國六年二月任

尹耀先 鼎三四川達縣人民國七年三月任

曾一清 鶴琴四川通江縣人民國七年十月任

鍾子箴 四川梁山縣人民國八年六月任

陳相堯 民國八年七月任

譙 彬 宣義四川廣安縣人民國八年十一月任

聶春如 以字行四川江津縣人民國九年七月任

譙 彬 宣義 四川廣安縣人 兵區 九年十一月任

聶春如 以字行 四川江津縣人 民國九年七月任

葉善年 良一 四川巴中縣人 民國九年十一月任

張經綸 肇齋 民國十年五月任

董 珩 長安 四川仁壽縣人 民國十年六月任

清 教諭

鄭 咸 廣安人

冉 橋 南充人

冉裕懋 酉陽人

陳 藻 巴縣人

費 冕 新繁人

龔為楷 江津人

黃 瑞 華陽人

李嶺梅 長壽舉人

羅森 綿竹舉人

曾茂 奉節拔貢

鄧士品 夾江人

彭昭麟 雙流拔貢

車書 長壽舉人

黃廷和 梁山廩生

楊道華 長壽副榜

張晟 西充舉人

彭臆 丹稜拔貢 嘉慶二十四年任

聶芝雲 隆昌廩生

劉邦彥 新繁廩生

吳才矩 秀山廩生

吳才矩 秀山廬生

清訓導

倪淪彥 巴縣人

范謙 郫縣人

楊鑑 瀘州人

鍾玉奇 新津人

竺聰 江油人

劉修極 安縣人

江源溥 富順人

游鳳和 合州人

李志卻 夾江人

謝尙功 長寧人

魏作甫 高縣人

舒南英 漢州人

余耀川 雙流人

徐玉堂 涪州人

陳于楷 蘆山人

徐東薦 仁壽人

楊居義 蓬溪人

熊文 綿州人

周宗元 涪州人

李暢 蘆山人

余文泰 什邡人

張國鈞 昭化人

彭熙載 瀘州人

彭熙載 濼州人

蔡錦生 彰明人

高映芳 墊江人

李 藝 九姓司人

向士珍 涪州人

張廷燾 酉陽人

衛道凝 郫縣籍成都舉人 嘉慶二十二年任

許紹謙 華陽人

李燦珍 西充人

李思白 巴縣舉人

陳家修 永川舉人

舒雲達 射洪舉人

鍾名世 歲貢

陳光組 忠州舉人

明典史國初曰主簿正德十二年改典史

亢 會 涇陽人正德十二年任

蔣伯清 湖廣巴陵人

李 秀 雲南人正德十三年由吏員任

劉 鏜 陝西人正德十四年任

賀 榮 咸寧人正德十六年由吏員任

熊 儀 南昌人正德間由吏員任

惠廷爵 陝西富平人

施廷松 雲南太和人

孫 文 陝西人

雷 震 陝西人

王 章 湖廣人

甯伯奇 湖廣人

王仲錫 陝西人

孫文軒 湖廣人

安汝威 陝西人

李 貢 陝西人

胡子淪 江西人 神宗十三年任

劉應聘 河南陝州人 神宗十六年任

蔡大順 浙江山陰人 神宗三十一年任

嚴孔仁 福建人

閔志孔 湖廣黃岡人

趙時通 雲南人

雷大經 湖廣衡陽人

李景祿 涇州人

清典史

蒲天祿

焦元英

陳如勉

趙玉振

張珍

張允克

王子錫

劉光漢

李國柄

鄭樞

丁元 浙江永康人

夏錫臣 浙江山陰人

張維漢 韓城人 乾隆四十年任

陸熙 浙江寧波人

劉在容 江南常州人

鄒繹棧 河南汝寧人

洪定俊 江西南昌人

猶啓祥 貴州興安人 嘉慶二年任

李麟 安徽定遠人 嘉慶十四年任

張兆棠 順天宛平人 嘉慶二十三年任

王從治 安徽望江人 道光五年任

劉斯泌 甘肅人 光緒八年任

清駐防把總

楊玉 陝西人

楊進賢 陝西人

王長林 湖廣人

賈世臣 陝西人

韓大用 陝西人

孫道孔 閩中人

陳榮 同

李有光 同

陳大倫 同

袁天錫 同

金榮 同

張奇品同

張在朝巴州人

杜文圓中人

李瑞祥同

秦廷玉同

劉允貴同

梁國彪同

黃鳳同

陳繩巴州人嘉慶十四年任

田嘉禎閬中人樂教匪勞績陞

楊春富成都人道光二年任

張運嗣中人

官師志 政績

季漢

馬忠字德信閬中人少養外家姓狐名篤後乃復姓改名忠爲郡吏建安末舉孝廉除漢昌長先主東征敗績獮亭巴西太守闔芝發諸縣兵五千人以補遺闕遣忠送往先主已還永安見忠與語謂劉巴曰雖亡黃權復得狐篤此爲世不乏賢也後仕至鎮南大將軍封博陽亭侯忠爲人寬濟有度量忿怒不形於色處事能斷恩威並立是以民夷畏而愛之及卒莫不流涕

程畿字季然閬中人劉璋時爲漢昌長巴西太守龐羲以天下亂郡宜有武備頗招合部曲有讒羲欲叛者璋疑之羲懼謀自守遣畿子郁索兵自助畿不應以殺其子懼之仍不爲動羲知畿必不爲己厚陳謝於璋以致無咎先主領益州牧辟爲從事祭酒後隨先主征吳大軍敗績泝江而還或告之曰後追已至解船輕去可以免畿曰吾在軍未曾爲敵走况從天子而見危哉追

人遂及畿船畿身執戟戰敵船有覆者衆大至共擊之乃死

隋

顏之儀字子昇瑯琊臨沂人周宣帝時爲御正帝崩鄭繹等矯詔以隋文帝撫
少主之儀拒不從逼使署名之儀厲聲不屈文帝索符璽之儀又正色曰天
子物相何得索文帝怒將戮之以其爲民望乃止出爲郡守開皇五年拜集
州刺史在州清靜夷夏悅之

唐

張康侯逸其名康侯其諡也張道陵七世孫官集州有惠政相傳白日飛昇仙
去民思其德建祠公山祀之

宋

岳之震湖北麻城人忠武王六世孫其先避檜難易姓樂後始復姓理宗朝任
難江縣令兼利州路兵馬鈐轄時四郊多壘公戢強暴撫集流移惠威並著

鄰封賴以安九年卒於任子孫阻元兵不能歸遂家焉至今宗支繁衍

明

鄒倫貴州都勻人正德間知南江縣開縣治建公庭繕城郭闢田土惠甚著

馬元吉字子修嘉靖三年任南江訓導在任九年崇獎節義勸進生徒營建學

宮創纂邑志集日益日憤讀書疑等錄以訓士兼以其俸餘便益田糧救活

疫命收養遺孤經知府王公巡撫宋公學政劉公先後獎勉後陞任六安州

學正本邑九十叟岳凌霄爲刻石菖蒲澗以誌不忘今碑猶存

清

王經芳字鐸音直隸清豐人康熙間由監生銓南江知縣庚申八月到任時蜀

疆新復人烟寥落經芳攀峯揭水躬尋編戶給牛種講約條完學舍整濟渡

凡不便於民者悉爲痛除在任五年士民安之著有宦遊草

聞肇煌浙江錢塘人任南江時縣中陋甚創立書院文教斐然矣其他無可考

裘良駿嘉慶間任南江知縣值匪猖獗日夜堵禦軍務旁午遷城於李家寨以保生靈勞績甚多賊平陞山東知府邑人思慕不置

胡炳荆門進士道光初蒞任南江見邑城濱河不通舟楫艱於輸運提倡疏之

竟鑿石通至今利賴復增修關帝廟及文廟廣置義學首捐俸一千兩又設養濟院捐置義塚纂修縣志自廢俱興九年陞任去民咸思之

謝元瀛蕭山人咸豐間為南江縣令建立考棚規制甚備尤重民生有諭民接桑培桑法立碑大堂側

周瀚蕭山人咸豐間除南江令葺學署移副齋建留青閣及憩亭一時江山為之生色

周瀚移建副齋碑記 蓋聞廣文一席原以崇祀聖廟訓迪士子南江學署則俱在城內廟旁僅有明倫堂三間前蒞斯土者曾
議移副齋於此而事復中止余飭首事募化三鄉於明倫堂後造房數間仍舊基也移副齋居之昭定制也又培修城內學署創建留青閣憩亭於梓潼宮之左以培閣邑文風石室啟而蜀之文教以昌義舉成而南江之士氣以振是則余之厚望也夫

金鳳洲字庚山直隸進士同治初元髮逆圍漢中漢南三邑與縣境毗連公增修城垣設險堵禦賊偵知有備始不敢犯於時援軍麻集蕭何朱三軍門皆駐兵南江以待後援夫役供帳接應周到而民不知擾愛士尤篤任滿陞授巴州

阮恩濤貴州舉人同治時選南江知縣以廉惠稱有富人兄弟爭產訟歷數任未結餽以重金不受嚴治關說者仍爲平情決遣愛民尤懇至以書役收賦多溢取常親督核算惟恐鎔銖累民遇雨恆給以錢曰鄉民遠至畏雨阻無資冒險過歸涉河越嶺恐山水暴發嬰危難也其仁惠多類此細民尤稱道不置

何詒孫字芭仲滇南人同治間任南江縣事喜獎進士類移建公山書院於城東規制宏敞後建設高小學校仍之增之不費而成復創辦貧與助士子鄉會試旅費後任張公詒亭廣續辦理遂著成效一時寒士尤忻忻焉

徐兆霖字虹橋湖北人以孝廉方正授南江知縣清廉強直守正不阿因事力爭忤上官意辭任去邑人思之

張熙穀字詒亭甘肅鎮番人光緒間先後任南江歷十二年丁丑歲大饑設糶籌賑周歷窺鄉除夕猶未返署全活萬計是年匪黨張偉堂乘飢據鎮子寨爲亂調團馳勦不十日而亂平誅止渠魁閭閻無驚尤善治訟獄吐役豪棍望風斂跡幾致刑措風俗謐然立賓興置三費建申明旌善二亭設郵樓育嬰兩局惠澤甚著去後民思爲之勒碑

孫清士字菊人滇南進士工詩書畫亦精居官不耐吏事以詩畫自娛風度尤超逸時有詩不如字字不如畫畫不如人之諺風流文采焜耀當時任滿遷巴州知州去

王殿甲字董溪直隸清河人光緒壬辰翰林乙未到南江任治獄明而能斷丁酉奸民劉四倡亂調團圍攻不日授首誅止其魁己亥三月大雨雹雇船移

眾拯災民無算是年冬解任去

余文泰什邛人歲貢任南江訓導長於易年八十手不釋卷嘉慶二年賊匪臨城合縣逃避文泰不去長子某勸令遠避泰曰吾老矣死職是吾之責何避焉賊至遂遇害子亦同殉賊退邑義民收其屍父子合葬於東門外五里大石板表令申請旌表蔭次子雲騎尉入忠節祠

陳家修重立余公父子墓碑記

嘉慶二年教匪陷城余公父子死之駢葬城東門外五里大石板得旨旌卹事載邑

乘同治庚午縣使某身故其家屬跨葬余公父子墓前毀滅碑石時修與葉君荅仙同司南江鐸聞其事躬往視之信旋牒縣兩次請遷未果壬申夏歲旱楊公次雲署縣事祈雨久無應修白曰古來忠孝屈抑俱能致早如東海孝婦含冤三年不雨此可證也今余公墓地差役逼葬其間尊卑罔別非所以慰忠魂風世俗益遷諸楊公題其言即喚案將加善杖乃立遷他所遷之次日大沛甘霖是歲為有年夫天道深遠難知敢謂兩旱必由乎此而撥諸事理古人於甘棠遺愛猶戒剪伐況官墳例有禁步且係忠良墓地不加培護咎將誰執今年秋荅仙以憂去官因與共商重立碑余公父子墓門以期垂久更冀後之官斯上者永遠保護勿使他人侵葬未始非維持風俗之一端云

彭鼎字松亭丹稜拔貢嘉慶二十四年選南江教諭時兵燹之餘文物蕩盡縣

令胡炳銳意建設凡興廢創新先生與有力嘗纂輯縣志殷勤數年一時文獻尤賴以不墜在任十年引病去

李思白巴縣舉人咸豐時選南江訓導在任十餘年教澤甚著去後邑士景慕其事蹟申請得入祀名宦祠

陳家修字獻堂永川舉人領鄉薦年最少十三赴禮闈不售光緒初授南江教諭在任十餘年博學慎獨勤養親有家法聞者罔弗矜式鄰州縣弟子從學鬻舍至不能容嘗以儒宗士表匾額爲壽公曰堅之令吾踧踖終身矣弟子卒堅之尋解組去著有日用類編一時紙貴同時訓導劉邦彥亦以學行見稱

彭昭麟雙流拔貢任南江教諭訓課門生多方勤勞嘉慶二年匪亂禦賊方山坪以忠勇上聞引見授廣東陽春縣知縣陞任嘉應州知州皆有惠政卒祀名宦

陳仲溶字吉山華陽人爲邑把總時有著名匪首綽號周蠻刀上憲索甚急陳
 率汎卒往捕行二百里抵禹門市（舊名木門）地界南廣之交甫休息而匪
 突至陳挺身當先堵截市橋頭賊初莫敢前但云願借路過陳忿然曰必留
 匪首某方許賊怒攢矛刺陳陳嫻武藝連格殺數人方酣戰間賊發擡銃中
 頭顱而死事聞得卹蔭入祀忠義

岳林宗陳把總殉匪詩

南江地即古漢昌界毗秦蜀萬山荒往往游民述
 爲匪鬼域竄亂善騎牆大界遙分江與漢犬牙相

錯又四縣牧令各懷觀望心賊匪易滋姑息蔓往者浩劫釀黃姚近有張
 五郭刀刀皆由萑苻不早靖蓄涓成河狂瀾滔自來多暴出凶歲飢餓相
 煎脅從易我歸會蹶公山嶺山間暴徒已恣肆歸來莊語告邑侯謂是患
 氣宜預謀邑侯聞之徒唯唯欠仲屢作頸搔頭養癰一載毒非小結隊橫
 行逞兇狡斬本直下米倉山揭竿轉窺木門道把總陳公少年人英氣豪
 情干車轆飛騰赴賊仲大義叱咤當關遏妖氛賊徒向公借路走公要賊
 徒獻渠首羣賊既怒公亦威寶刀直揮血染谿朝廷守土有大令矧茲武
 弁么魔甚小臣報國獨捐軀聯語褒嘉未爲佞從此宰牧各驚心交馳羽
 書請勁兵搜崖譏谷窮捕治禍機亂略一時平禍亂早平由各公死凜凜生
 氣橫几水行看卹典出
 中朝聊製歌詩備野史

原件存：何特殊

複印時間：2012年4月11日